

**Javna ustanova Terapijska zajednica - Kampus Kantona Sarajevo**



**Public Institution Therapeutic Community - Kampus of Canton Sarajevo**

---

Bosna i Hercegovina  
Federacija BiH  
Kanton Sarajevo  
JU Terapijska Zajednica –Kampus Kantona Sarajevo

**PRAVILNIK O TESTIRANJU NA PSIHOAKTIVNE  
SUPSTANCE I ALKOHOL**

Sarajevo, januar 2021. godine

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

Na osnovu člana 27. stav 1. alineja 6. Zakona o ustanovama ("Službeni list RBiH" br.6/92, 8/93 i 13/94), člana 29. Pravila JU Terapijska zajednica-Kampus Kantona Sarajevo, Upravni odbor JU Terapijska zajednica-Kampus Kantona Sarajevo na sedmoj sjednici održanoj 28.01.2021. godine donosi:

### **PRAVILNIK O TESTIRANJU NA PSIHOAKTIVNE SUPSTANCE I ALKOHOL U JAVNOJ USTANOVI TERAPIJSKOJ ZAJEDNICI-KAMPUS KANTONA SARAJEVO**

#### I. UVODNE ODREDBE

##### **Član 1. (Predmet)**

Ovim Pravilnikom o testiranju na psihoaktivne supstance i alkohol u Javnoj ustanovi Terapijskoj zajednici- Kampus Kantona Sarajevo (u daljnjem tekstu: Pravilnik), propisuje se postupanje prilikom uzimanja biološkog uzorka u svrhu testiranja na psihoaktivne supstance koje utiču na psihofizičke sposobnosti i ponašanja.

Ovim Pravilnikom se određuju, način obavljanja testiranja na psihoaktivne supstance i alkohol (u daljnjem tekstu: testiranje), uslovi i okolnosti testiranja i način vođenja evidencije o testiranju.

##### **Član 2. (Upotreba muškog i ženskog roda)**

Izrazi koji se koriste u ovom Pravilniku, a imaju rodno značenje, koriste se neutralno i odnose se jednako na muški i ženski spol.

#### II. USLOVI I NAČIN UZIMANJA UZORAKA U SVRHU TESTIRANJA NA PSIHOAKTIVNE SUPSTANCE

##### **Član 3. (Ovlaštene osobe i vrsta uzorka za testiranje)**

Ovlaštene osobe koje mogu vršiti testiranje korisnika su medicinski tehničari, i vođa tima na smjeni ili druga osoba koju ovlasti direktor Kampusu.

Vrsta uzorka koja se uzima za potrebe testiranja se određuje u skladu sa vrstom testa na psihoaktivne supstance koju Kampus u datom momentu testiranja posjeduje, odnosno u skladu sa uputama proizvođača testova za brzo otkrivanje prisutnosti psihoaktivnih supstanci i alkohola.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

Ukoliko je vrsta uzorka za testiranje urin, isti se uzima u hemijski čistu i suhu posudu. Kada iz opravdanog razloga od osobe nije moguće uzeti uzorak urina, uzorak će se pokušati uzeti svaki naredni sat, odnosno čim se steknu uslovi za uzimanje.

### **Član 4.** **(Uslovi za testiranje korisnika)**

Svi radnici Kampusa koji su u direktnom ili indirektnom radu sa korisnicima mogu inicirati testiranje korisnika obraćanjem vođi tima na smjeni. Testiranju korisnika prisustvuju medicinski tehničar i vođa tima na smjeni. Vođa tima na smjeni ili druga ovlaštena osoba vrši testiranje korisnika ukoliko su medicinski tehničari odsutni iz Kampusa ili su iz opravdanih razloga spriječeni i onemogućeni za obavljanje dužnosti testiranja. Vođa tima na smjeni o slučaju testiranja korisnika evidentira u svom dnevnom izvještaju.

Korisnik Kampusa će se obavezno testirati na psihoaktivne supstance i alkohol u sljedećim uslovima:

- Prilikom prijema korisnika u tretman Kampusa
- Prilikom priznanja recidiva korisnika

Korisnik Kampusa će se testirati na psihoaktivne supstance i alkohol po procjeni u sljedećim uslovima:

- Po povratku korisnika u Kampus nakon dnevnog izlaska korisnika
- Nakon višednevnog i vikend odsustva korisnika iz Kampusa
- Na osnovu vidljivih promjena u ponašanju korisnika
- Za potrebe evidencije i dokazivanja o održavanju apsinencije ili zbog liječenja u zdravstvenim ustanovama
- Korisnici koji su u Programu savjetovanja i Programu podrške

Ukoliko korisnik ili njegov saradnik u tretmanu iskažu sumnju u ispravnost testa, korisnik će isti dan biti upućen u nadležnu ustanovu na testiranje o njegovom trošku.

### **Član 5.** **(Uslovi za testiranje radnika)**

Poslodavac može zahtijevati testiranje radnika na psihoaktivne supstance i alkohol u Kampusu u skladu sa važećim zakonskim i podzakonskim propisima Federacije BiH koji uređuju ovu oblast.

Radnika u ustanovi može testirati isključivo medicinski tehničar ili drugo ovlašteno lice koje ovlasti direktor.

Ukoliko radnik odbije testiranje, poslodavac ga može udaljiti iz Kampusa, uputiti isti dan na testiranje u drugu nadležnu ustanovu i postupiti u skladu sa važećim zakonskim i podzakonskim propisima.



**Public Institution Therapeutic Community - Kampus of Canton Sarajevo**

**III. NAČIN VOĐENJA EVIDENCIJE O TESTIRANJU NA PSIHOAKTIVNE SUPSTANCE**

**Član 6.**

**(vođenje evidencije i rezultati testova)**

Nakon svakog završenog postupka testiranja u skladu sa odredbama ovog Pravilnika, ovlaštena osoba koja vrši testiranje dužna je da vodi propisanu ovjerenu evidenciju o testiranju. Evidencija o testiranju osoba na psihoaktivne supstance i alkohol mora sadržavati ime i prezime osobe koja se testira, potpis osobe nad kojom se vrši testiranje i osobe koja obavlja postupak testiranja, tačan datum testiranja i rezultat testiranja.

U slučaju dobijenih pozitivnih rezultata testiranja korisnika, obavještava se Komisija za prijem i otpust. Prema korisnicima nad kojim se obavljalo testiranje će se odrediti disciplinske mjere u skladu sa Pravilnikom o kućnom redu i drugim opštim aktima Kampusa.

O rezultatima testiranja radnika Kampusa na psihoaktivne supstance i alkohol obavještava se poslodavac. U slučaju dobijenih pozitivnih rezultata testiranja, prema radnicima nad kojim se obavljalo testiranje će se pokrenuti disciplinske mjere u skladu sa važećim zakonskim i podzakonskim propisima i drugim opštim aktima Kampusa.

**Član 7.**

**(Testovi i ostali pribor)**

Testove za brzo otkrivanje psihoaktivnih supstanci i ostali pribor za uzimanje urina ili drugog uzorka za korisnike u tretmanu osigurava Kampus. Testovi se dostavljaju Odjelu za zdravstvenu zaštitu koji vodi evidenciju.

**IV. ZAVRŠNE ODREDBE**

**Član 8.**

**(Primjena drugih propisa)**

Na sva pitanja koja nisu regulisana ovim Pravilnikom, primjenjivat će se odredbe važećih zakonskih i podzakonskih propisa koji tretiraju ovu oblast, opšti i drugi važeći akti Kampusa.

**Član 9.**

**(Stupanje na snagu i početak primjene)**

Ovaj Pravilnik stupa na snagu s danom donošenja.

Broj:35-01-02- 77 /21

Sarajevo, 28.01.2021. godine



**PREDSJEDNIK UPRAVNOG ODBORA**

**Nihad Bajramović**